

【校勘影印本】

中國醫學大成續集

【四十四】

上海科學技術出版社

〔校勘影印本〕

中國醫學大成續集

〔四十四〕

上海科學技術出版社

〔清〕

葉桂 著
周學海 評

評點葉案存真類編

中國醫學大成續集

图书在版编目(CIP)数据

中国医学大成绩集. 44 / 曹炳章编. 一影印本. 一上海: 上海科学技术出版社, 2000. 12

ISBN 7-5323-5247-1

I. 中... II. 曹... III. 中国医药学-总集
IV. R2-52

中国版本图书馆 CIP 数据核字(2000)第 41259 号

上海科学技术出版社出版发行

(上海瑞金二路 450 号 邮政编码 200020)

望亭电厂印刷厂印刷 新华书店上海发行所经销

2000 年 12 月第 1 版 2000 年 12 月第 1 次印刷

开本 787×1092 1/32 印张 33 插页 4

印数 1—2 000 定价: 72.00 元

本书如有缺页、错装或坏损等严重质量问题,

请向本社出版科联系调换

評點葉案存真類編

〔清〕葉桂著
周學海評

愛廬方案

〔清〕張仲華著

存存醫話

〔清〕趙晴初著

吳醫彙講

〔清〕唐大烈輯

原編 曹炳章

出版說明

近代中醫學家，江南名醫曹炳章（一八七七—一九五六），字赤電，浙江四明人。醫名鼎盛，謙遜好學，診餘廣集醫書，名聞海內。自語「常蓄醫藥革命之決心」，為振興中醫，奔走呼號，不遺餘力。平生著述甚豐，僅撰述和評校之書，即達三十餘種（不包括《中國醫學大成》），實踐了一條「從臨床中來，而歸宿于著作」的醫學家之路。

正因為曹氏具有豐富的臨證經驗，又有廣博的學識，三十年代，上海大東書局（為上海科學技術出版社前身之一）特聘其主纂當時被譽為醫學淵府之《中國醫學大成》，實為國內中醫界一大盛事。

《中國醫學大成》分十三類，凡三百六十五種：醫經十五種，藥物十九種，診斷十六種，方劑十九種，通治六十種，外感病四十三種，內科二十七種，外科五十二種，婦科二十四種，兒科三十三種，鍼灸十六種，醫案十六種，醫論、醫話、醫史二十五種。因其搜羅至廣，版本選擇至精而稱譽醫壇。《中國醫學大辭典》主編謝利恆氏贊此書「吾道精華，咸集于此」；醫史學家宋大仁稱：「茲書一旦問世，人人皆有獲讀秘籍之機會，必不似從前為少數人私有物矣。不僅有沾溉學人之益，且維我國數千年醫學文獻于不墜也。」浙江中醫學院徐榮齋教授在紀念曹炳章先生誕生一百周年的專文中，歸納此書對中醫之發展具備八大價值：一、保存和流通古醫籍；二、有系統可循；三、打破保守；四、公開禁方；五、統一中醫學術；六、奠定習醫之參考書；七、造就中醫高深人才；八、便利圖書館之採貯。

中醫藥學歷數千年變化而長盛不衰，雖受西洋醫學之衝擊，又生存于現代科學技術突飛猛進之今日，但至今猶屹立于世界醫學之林，並日益受到各國人士歡迎，此不可不謂人類文明史上的一大奇跡。中醫藥學之發展，除因其獨特的理論體系和卓越之臨床療效外，亦賴于中醫文獻之流傳、保存、搜集、整理及刊行，才使其理論著述、臨床經驗、臨床資料、珍貴典籍得以存世，並不斷擴充完善。《中國醫學大成》之結集刊行，無疑大有益于振興中醫、發展中醫。

《中國醫學大成》雖因戰火蔓延，僅刊印一百三十六種而中止，且已刊行者，至今已散佚不全，但我社于前幾年重刊《中國醫學大成》之一百三十六種，結集成五十冊發行，震動了海內外，可見關心、支持、熱愛中醫藥事業者遍及亞洲，乃至世界。曹炳章先生未及刊行完成之《中國醫學大成》後續部分，被列入國家八五、九五重點出書項目，此亦可告慰于九泉之下的曹先生。

此次刊行之《中國醫學大成》續集，計一百一十八種，結集成四十九冊；大部分爲原刻本，部分爲木刻本。爲保持原書之風貌，一概未于原書上改字校注，遇錯訛、脫漏、缺字者，均于書後校注中另勘，以便爲讀者留出研究和斟酌之餘地。每種書後修有後記，介紹該書作者生平、簡歷、學術觀點，及是書版本概況、成書年代等，簡明扼要。

是書之校勘者和編輯，爲覓一原刻本，南下北上，不辭辛勞；爲一字之勘定，常彈精竭慮，如履薄冰。如此歷數載以成，奉獻于讀者，期能集有志者完成先輩未竟之事業，光大我中醫于世界。

評點葉案存真類編提要

清·葉桂著。桂字天士。吳縣人。周學海類評。學海字澂之。皖南建德人。天士生於清康熙初。沒於清乾隆十年。工長桑之術。盡人皆知。其元孫萬青。留心斯道。輯刊是書。據序云余自嘉慶丙子獲見天元醫案。於研六齋周謝庵姨丈家。精光騰躍。歎爲希世之寶。道光辛卯。於城東陳順庵處。復見方案百餘條。簡潔高妙。洵爲門診之精華。又不勝遺珠之歎。因思華君居非同里。又素不業醫。能以數年采輯之勤。沾丐後人。厥功甚偉。余爲裔孫。獨珍手澤而不公諸當世。但指南類症分編。余則一無去取。亦不分門別目。自愧識淺。不敢妄爲選擇。其天元醫案中載馬元儀先生案頗多。方多神妙。另附於後。自爲一卷。而祁正明、王晉三兩先生之案亦附焉。

世有好學深思者。或再搜采選刻。則其功當不在華君下矣云。又周
激之序云。讀葉先生案。其於外感最長於溫熱。於雜病最長於虛損。
總是長於治鬱而已。自來醫案皆自編輯。故必其證之稍新。治之已
效者。乃從而著之。其尋常易曉者不多見也。先生案輯於後人。得
失兼收。瑕瑜不掩。固其所矣。昔徐靈胎評點指南。多所攻擊。視
圈點如晨星落落。想見筆在紙上。如蜻蜓點水。一往無停。學海淺
陋。謝不敏矣。祇求發揮本義。未詳者申之。未備者補之。未明者
疏而闡之。必其理之極難通。與其法之顯不合者。乃從而疑之辨之。
別其門類。益其體例。分爲上下兩卷。題曰評點葉案存真類編。非
若臨證指南間有雜湊及門方案。而曰葉案存真。誠名符其實也。

評點葉案存真自序

竊嘗論之。宋後醫書。惟案好看。不似注釋古書之多穿鑿也。每部醫案中。必各有一生最得力處。細心徧讀。是能萃衆家之所長矣。第非熟精靈素及仲景法者。中無權衡耳。葉先生於外感。最長于溫熱。於雜病。最長于虛損。總是長于治鬱而已。自來醫案皆自編輯。故必其證之稍新。治之已效者。乃從而著之。其尋常易曉者。不多見也。先生案輯於後人。得失兼收。瑕瑜不掩。固其所矣。而案之宏富。遂爲醫林中獨成一子。好學深思者。正樂受而讀之。以觀其真。豈非盛事耶。國朝大醫私服張石頑及先生兩人。昔徐靈胎評點指南。多所攻擊。視其

圈點。如晨星落落。想見筆在紙上。如蜻蜓點水。一往無停。學海術淺。謝不敏矣。祇求發揮本義未詳者。申之未備者。補之未明者。疏而闡之。必其理之極難通。與其法之顯不合者。乃從而疑之。辨之。末附馬元儀。郝正明。王晉三三家。亦皆一時之傑也。讀之便覺沾襟。不及先生之圓相矣。此天資之不可強也。先生之學。其於仲景元化。誠未知何如。若東垣丹溪。似有過之無不及也。徐靈胎。陳脩園。未勉輕薄口脛。古人云。爾曹身與名俱滅。不廢江河萬古流。古今是非何日論定。吁。不論則定矣。

光緒十九年歲在癸巳八月。中浣。建德周學海。澂之書於袁浦城內觀音寺之西院。

葉案存真原序

昔者竊聞之孫真人以神鍼療龍神之疾。神龍感之。贈以禁方三十。孫因著千金方三十卷。每卷中雜一龍宮方。今人亦不能一一指出何方爲龍宮所授。惟相傳六味丸卽禁方之一。試以此方論之。山藥之甘。地黃之苦。丹皮之辛。萸肉之酸。澤瀉之鹹。五味具備。又以茯苓之淡調和之。俾五臟六腑均受其益。此其運用之妙。誠不可思議哉。由是知醫者之有方。猶匠者之有斧斤繩墨。非是無以成其事也。吾鄉葉天士先生。生在康熙初。沒於乾隆十年。工長桑之術。身歷三朝。名聞九域。夫人而知之矣。其謝世已九十餘年。至今談方術者。必舉其姓

字以爲仲景元化一流人也。其生平所製方。有萃錄成編者。其元孫訥人等校而授梓。問敘於子。夫人祖宗一言一行。無非獎訓所存。凡爲子孫者。必多方表章之。以寄其數典不忘之志。況方書爲活人要術。可以調元贊化。而消斯民天札癘疾之災者乎。卽如龍宮禁方。非孫氏傳之世人。又烏從而知之。諺云。施藥不如施方。訥人兄弟斯刻。不特表揚先澤。亦有合乎昔賢善與人同之義。又可緩乎哉。是爲敘。

道光丙申七月舊史氏石韞玉撰

葉案存真原序

精氣神爲人身之至寶。醫能保人所寶。則醫書眞寶書也。軒岐而下。惟仲景稱聖。爲製方之祖。嗣後英賢輩出。各抒心得。立法以啟後人。方書充棟。後之用法者。能得古人法中之意。而不泥於法則。因病定方。不執方以治病可也。所難者在認症耳。昔嘉言喻氏謂醫不難於用藥而難於認症。故先議病後議藥。丹溪朱氏著脈因證治一書。亦以認症爲先。施治爲後。若但執某方治某病。而至於何脈何因何症辨之不眞。焉能用之無誤。寒熱虛實。疑似甚多。見病治病。十無一效。曷足怪哉。吳中精於醫者。代不乏人。自葉香巖先生治稱神術。百餘年。

來。無有繼其傳者。惜其生平濟人事殷。無暇著述。如臨症指南一書。爲門人所採輯。久已風行海內。今復見醫案存真三卷。係其哲嗣 訥人先生彙集家藏方案成編。觀其施治之妙。實由辨症之的。其不惑於症之疑似。治之不違於法。而又不泥於法者。苟非根柢內經。博涉諸家。其烏能洞徹陰陽標本。隨症立方。神明於規矩若是哉。至馬祁王三家醫案。各抒精義。製方附刊於後。亦足資後人採擇。此書誠可寶也。書旣成。先生濟世之業。與其哲嗣濟世之心。竝傳不朽而流澤孔長矣。是爲序。

道光丙申秋九月吳郡胡國英識

葉案存真自序

先高祖臨症指南一書。爲錫山華君岫雲所刻。書成於乾隆丙戌。風行海內。余成童時。涉獵及之。不能識也。後檢故紙。得家藏方案一冊。魯魚亥豕。所在多有。謬謂此必指南選刻所遺者。亦憊置未暇究。近年留心斯道。因發篋讀之。然後知先哲之所以享重名者。久而彌光。蓋自有在嘉慶丙子。獲見天元醫案於研六齋。周謝庵姨丈家。精光騰躍。歎爲希世之寶。道光辛卯。於城東陳順庵家。復見方案。摘錄百十條。簡潔高妙。洵爲門診之精華。又不勝遺珠之歎。因思華君居非同里。又素不業醫。能以數年採輯之勤。沾丐後人。厥功甚偉。余爲裔孫。獨

珍手澤。而不公諸當世。華君有知。其謂我何。但指南類症分編。余則一無去取。亦不分門別目。自愧識淺。不敢妄爲選擇。姑還舊觀。且自來醫家臨證雖多。豈能盡備。而茲又篇帙無多乎。其天元醫案中。載馬元儀先生案頗多。皆神妙。與先祖方案如驂之靳。另附於後。自爲一卷。而祁正明王晉三兩先生之案亦附焉。世有好學深思者。或再搜採選刻。則其功當不在華君下矣。其拭目以俟之。

道光十二年歲在壬辰四月元孫萬青謹序